

66. Quamquam gaudio affecta, tamen pudore victa non per suam ipsius, sed per amicarum vocem amatum allocuta est; sicut tellus, recentis pluviae guttis rigata, nubium turbam alloquitur per pavonum clamorem.

67. Tum ille, pede sinistro regum capitibus imposito, vitiorum expers, uxorem non vituperandam secum abduxit; eratque illa, cujus crines curruum equorumque pulvere foedati erant, illius quasi Fortuna Victrix, corpore induta.

68. Victorem illum redeuntem, uxorem celebrandam adeptum, salutavit RAGHUS, qui jam antea rem cognoverat; atque illi stirpem suam committens, ultimae liberationis viam ingredi cupiebat: etenim viri e Solis stirpe nati, quando generis sui adest sustentator, non amplius cum familia vivunt.